

ত্রিপুরা সরকার  
তথ্য ও সংস্কৃতি অধিকার

\*\*\*\*\*

স-৪৯৮৬

বিশ্রামগঞ্জ, ২৭ ফেব্রুয়ারি, ২০২৪

২ দিনব্যাপী সিপাহীজলা জেলাভিত্তিক সরস মেলার উদ্বোধন  
স্বসহায়ক দলগুলি রাজ্য তথা গ্রামীণ ভারতের অর্থনৈতিক  
বিকাশে গুরুত্বপূর্ণ ভূমিকা নিচ্ছে : শিল্প ও বাণিজ্য মন্ত্রী

কেন্দ্র ও রাজ্যের বর্তমান সরকার মহিলাদের ক্ষমতায়নের উপর বিশেষ গুরুত্ব আরোপ করেছে। মহিলাদের অগ্রাধিকার দিয়ে বিভিন্ন কর্মসূচি রূপায়ণ করা হচ্ছে। আজ সিপাহীজলা জেলাশাসক কার্যালয় সংলগ্ন মাঠে ২ দিনব্যাপী সিপাহীজলা জেলাভিত্তিক সরস মেলার উদ্বোধন করে শিল্প ও বাণিজ্যমন্ত্রী সান্ত্বনা চাকমা একথা বলেন। তিনি বলেন, মহিলারা যাতে স্বনির্ভর হয়ে পরিবার তথা সমাজের গুরুত্বপূর্ণ অংশীদার হতে পারেন সেই লক্ষ্যে অনেক স্বসহায়ক দল গঠন করা হয়েছে। এই দলগুলি রাজ্য তথা গ্রামীণ ভারতের অর্থনৈতিক বিকাশে এক গুরুত্বপূর্ণ ভূমিকা নিচ্ছে। তিনি বলেন, দেশের উন্নয়নের মূল চাবিকাঠি হচ্ছে যুব সমাজ। এই যুব সমাজ যাতে বিপথে পরিচালিত না হয়ে দেশ গড়ার কাজে ব্রতী হয় সেজন্য দেশের প্রধানমন্ত্রী নরেন্দ্র মোদি বিভিন্ন পদক্ষেপ নিয়েছেন। রাজ্যের বর্তমান সরকারও এই লক্ষ্যে কাজ করছে। সভাপতির ভাষণে সিপাহীজলা জিলা পরিষদের সভাপতি সুপ্রিয়া দাস দত্ত এই মেলার সাফল্য কামনা করেন। অনুষ্ঠানে অন্যান্যদের মধ্যে উপস্থিত ছিলেন সিপাহীজলা জেলার জেলাশাসক ও সমাহর্তা নাগেশ কুমার বি, অতিরিক্ত জেলাশাসক জয়ন্ত দে, বিশিষ্ট সমাজসেবী দেবব্রত ভট্টাচার্য, গৌরঙ্গ ভৌমিক প্রমুখ। অনুষ্ঠানে ৪টি স্বসহায়ক দলের সদস্যদের হাতে ব্যাঙ্ক ঋণের চেক তুলে দেওয়া হয়।

\*\*\*\*\*